

9 Men ko kom ar katak, im bōki, im roñjaki, im lo ilo ña, komin kōmōmōu men kein: im Anij in ainemōu e naj ber ibemi.

jap. 8. 17. Rom 15. 33. 1 Kor. 14. 33.

10 A I kanuij lōñliñ ilo Iroi, bwe eliktata ami lale iō ej bar edreklok; im kom ar lemnok kake, a kom ar aikwij ien ekar.

2 Kor. 11. 9.

11 Jab bwe ij konono kin aikwij: bwe emwij aō katak, ilo jabrewōt kijkan aō ber, in jokōne.

1 Tim. 6. 6.

12 I jela toñ etā, im I jela toñ bōptoa: ijo ko otemjej im ilo men otemjej emwij katakin iō bwe in māt im kab bwe in kwuli, bwe in bōptoa im kab bwe in aikwij.

1 Kor. 4. 11. 2 Kor. 6. 10. & 11. 27.

13 I maroñ in kōmōn men otemjej ilo Eo ej kakajur iō.

Jon 15. 5. 2 Kor. 12. 9.

14 Ijoke kom ar kōmōn emōn bwe kom ar kōmao ilo aō iñtan.

jap. 1. 7.

15 Kiō kom, dri Pilippai, kom bareinwōt jela, bwe ilo jinoin gospel, ke I ar ilok jen Masedonia, eje-

lok eklisia e ar kōmao iba, einwōt kin letok im bōk, a kom wōt;

2 Kor. 11. 8. 9.

16 Aet, bwe ilo Tessalonika kom ar jilkintok alen juōn im ken ka ruo ñōn aō alkwi.

17 Jab bwe ij bukot torbata: a I kōnan lle en ua tokjemi.

Rom 15. 28. Tait. 3. 14.

18 A men otemjej iba, im I bōptoa; ij obrōk mōjen aō bōk jen Epaprodaitōs men ko jen kom, juōn bwin emelu, juōn jurtak ekar, im ken kabuñburuen Anij.

jap. 2. 25. Hib. 13. 16. 2 Kor. 9. 12.

19 A aō Anij e naj kōke ami aikwij otemjej, ekar ñōn mwejen ilo aibujuij ilo Kraist Jisōs.

Sam 23. 1. Ep. 3. 16.

20 Kiō ñōn ar Anij im Jemeruij aibujuij in drio im in drio, Amen.

Rom 16. 27. Gal. 1. 5.

21 Yokyokwe ro remōn otemjej ilo Kraist Jisōs. Jimjān jimjāten iba rej yokyokwe kom.

Gal. 1. 2.

22 Ro remōn otemjej rej yokyokwe kom, elaplok ro ian nukin Sisar.

jap. 1. 13.

23 Joij an Iroi Jisōs Kraist en ber ilo ami.

Rom 16. 24.

## LETTER AN PAUL ÑŌN DRI KOLOSSE.

### JAPTER 1

**PAUL**, dri jilik an Kraist Jisōs kin ankil an Anij, im Timote jāter,

Ep. 1. 1.

2 Ñōn ro i Kolosse remōn im retiljek, jimjān jimjāten ilo Kraist: Joi ñōn kom im ainemōn jen Anij Jemer.

1 Kor. 4. 17. Ep. 6. 21. Gal. 1. 3.

3 Kimij kamolol Anij Jemen ar Iroi Jisōs Kraist, im ien otemjej kim jar kin kom,

1 Kor. 1. 4. Ep. 1. 18. Pil. 1. 3.

260

4 Bwe kim ar roñ kin ami liki Kraist Jisōs, im kin yokwe eo ibemi ñōn ro remōn otemjej,

Paul. 5. Hib. 6. 10.

5 Kin kejatrikrik eo emwij likit e ñōn kom ilo lōñ, eo kom ar roñ kin e mokta ilo nan in mol an gospel,

2 Tim. 4. 8. 1 Pit. 1. 4.

6 Eo emwij an itok ñōn ibemi; aet, einwōt ej ilo aolepen lōl im jebareen im laplok, einwōt ilo kom, jen ran eo kom ar roñjake, im jela joi an Anij ilo mol;

Mat. 24. 14. Rom 10. 18. Mark 4. 8. Pil. 1. 11. 2 Kor. 6. 1. Ep. 3. 2.

7 Einwõt kom ar katak iben Epa-  
pras dri korijer im jitenburu ibem,  
eo dri jermal etiljek an Kraist kin  
kim,

jap. 1. 12. Pail. 23. 2 Kor. 11. 23. 1 Tim. 4. 6.

8 E ar bareinwõt kennanek kim  
ami yokwe ilo Jitöb.

Rom 15. 30.

9 Kin men in kim bareinwõt, jen  
ran eo kim ar roñjake, e jab jokwör  
am jar im kajitök kin kom, im kö-  
nan bwe komin obrök kin jela an-  
kil An ilo meletlet otemjej im lo-  
läätät jen Jitöb,

Ep. 1. 8, 15, 16. & 5. 17. 1 Kor. 1. 5. Rom 12. 2.

10 Bwe ami etetal en tellokön Iroj  
im kabuñburuen ilo men otemjej,  
im bwe komin jebar leen ilo jermal  
ko remön otemjej, im edreklok ilo  
jela Anij;

Ep. 4. 1. Pil. 1. 27. 1 Tes. 4. 1. & 2. 12. 2 Kor.  
9. 8. Tait. 3. 1. Hib. 13. 21.

11 Ke emwij kakajur kom kin  
kajur otemjej ekar ñön maroñ in  
aibujuij eo An, ñön kijinmij otem-  
jej im meanwör ilo löñliñ;

Ep. 3. 16. & 4. 2. Jerb. 5. 41. Rom 5. 3.

12 Im kamolol Jemer eo E ar kö-  
mön bwe jen tellokön in bök mötön  
jollit an ro remön ilo maram;

Ep. 5. 20. jap. 3. 15. Jerb. 26. 18.

13 Im E ar kötlok kij jen kajur in  
marok, im bökklok kij ñön loan  
ailiñ eo an Nejin e jitenburu iben;

Ep. 6. 12. 1 Pit. 2. 9. 2 Pit. 1. 11. 1 Tes. 2. 12.

14 Im Ej binmour ñön kij, aet  
jeorlok jerawiwi ko ar:

Ep. 1. 7.

15 Eo ej ilo nememen Anij eo je  
ban lo E, im lotak mokta jen men  
in kömönmön otemjej;

2 Kor. 4. 4. Hib. 1. 3. Rev. 3. 14.

16 Bwe kin E emwij kömön men  
ko otemjej, men ko i löñ kab men  
ko ion löñ, ko jej loi im ko je jab  
loi, elañe tron ko ak jlob ro ak iroj  
ro ak kajur ko; emwij kömönmön  
men otemjej kin E im ñön E;

Jon 1. 3. 1 Kor. 8. 6. Ep. 1. 21. & 3. 9. Rom  
8. 38. & 11. 38. jap. 2. 10, 15. 1 Pit. 3. 22.

Hib. 2. 10.

17 Im Ej mokta jen men otemjej,  
im kin E men otemjej rej ber.

Jon 1. 1. & 17. 5. 1 Kor. 8. 6.

18 Im Ej böran enbwin, eklisia;  
im E jinoin, im dri lotak moktata  
jen ro remij, bwe En eutlejata ilo  
men ko otemjelok.

1 Kor. 11. 3, 15, 20, 23. Ep. 1. 22. Jerb. 26. 23.  
Rev. 1. 5.

19 Bwe ebuñburuen Anij bwe ilo  
E men otemjej remön potata ren  
ber;

Jon 1. 16. & 3. 34. jap. 2. 9.

20 Im bwe, ke emwij An kömön  
ainemön kin böttöktökin drebal eo  
An, En kilajrök kin E men ko  
otemjej ñön E möke, aet kin E  
elañe rej men ko ion löñ ak men ko  
i löñ.

2 Kor. 5. 18. Ep. 1. 10. & 2. 14-16.

21 Im komeo, ilo ien emotelok,  
kom dri jibil jen E im dri kijiräte  
ilo buruemi kin jermal ko renana,  
ilo ien in emwij An kilajrök kom

Ep. 2. 1, 2, 12, 19. & 4. 18. Tait. 1. 16.

22 Ilo enbwinin köniekin kin mij,  
bwe En kwalok kom kwojarjar im  
jimewõt im ejelok notami iman  
mejen:

Luk 1. 75. Ep. 1. 4. & 2. 15. & 5. 27. Jud 24.

23 Elañe kom berwõt ilo tömak,  
töt im bin, im jab törlöl jen keja-  
trikrik in gospel eo kom ar roñjake,  
im emwij kwalok e ñön ro otemjej  
rej ber iomin löñ; im ar kömön ña  
Paul dri jermal kake.

Ep. 3. 17. jap. 2. 7. Rom 10. 18. Jerb. 1. 17.  
2 Kor. 3. 6. Ep. 3. 7.

24 Kiö ij löñliñ ilo iñtan ko aö  
kin kom, im kalöñ eo e jafin bwe  
kake ian iñtan ko an Kraist ilo kö-  
niekiö kin enbwinin, eo eklisia;

Rom 5. 3. 2 Kor. 1. 5, 6. & 7. 4. Pil. 3. 10.  
2 Tim. 2. 10. Ep. 1. 23. & 3. 13.

25 Kin eo emwij kömöu iö dri ji-  
böñ ilo jermal eo an Anij emwij  
letok ñön iö kin kom bwe in kaje-  
jit nan in Anij,

1 Kor. 9. 17. Rom 15. 19.

26 Aet, men eo etino e ar nojök  
jen ien ko im eeben ko, a ilo ien  
in ar kwalok e ñön ro remön ro  
An,

Rom 16. 25. 1 Kor. 2. 7. Mat. 13. 11.

27 Ñön ro Anij e buñburuen in  
kwalok ta mwelen aibujuij in men  
eo etino in, iolapin dri ailiñ ko, eo

**Kraist iloami kejatrikrik kin aibu-juij:**

Ep. 1. 7. & 3. 8. 1 Tim. 1. 1.

28 Eo kimij kwalok, im kowe armij otemjej, im katakin armij otemjej ilo meletlet otemjej, bwe kimin kwaloklok armij otemjej rewäppen ilo Kraist;

Jerb. 20. 20. 31. 2 Kor. 11. 2.

29 Ñön eo ij bareinwöt jerbal im kate iö ekar ñön jerbal eo An, ej jerbal ilo ñia kin elap kajur.

1 Kor. 15. 10. jap. 2. 1. Ep. 1. 19. & 3. 20.

### JAPTER 2.

**B**WE I kōnan bwe komin jela ie lap en aö kate iö kin kom, im kin ro i Leodisia, im kin ro jabrewöt r'ar jab lo turin meja ilo kōniek;

Pil. 1. 30. 1 Tes. 2. 2.

2 Bwe burueir ren ainemōn, im drebijik ilo yokwe, im bwe ren töbrök aolepen mweien im obrök in jelalokjen, bwe ren melele men eo etino an Anij, aet Kraist,

2 Kor. 1. 6. jap. 1. 9. & 3. 14. Pil. 3. 8.

3 Ilo E re nojök men in aurök ko otemjej an meletlet im jelalokjen.

1 Kor. 1. 24. & 2. 6. 7. Ep. 1. 8.

4 Ak ij ba men in, bwe ejelok juön en moni kom kin nan in karel ko.

Rom 16. 18.

5 Bwe meñe ij etolok jen kom ilo kōniek, mekarta ij ber ibemi ilo jitöb, im löñliñ im lo ami jime im ebin ami liki Kraist.

1 Kor. 5. 3. & 14. 40. 1 Tes. 2. 17. 1 Pit. 5. 9.

6 Inem einwöt kom ar bök Kraist Jisös Iroj, ein drein komin etetal ilo E,

1 Tes. 4. 1. Jud 3.

7 Im en elle okrami im kalek kom ilo E, im komin bin ilo tömak, einwötemwij katakin kom, im ba kom mol im löñlok kake.

Ep. 2. 21. 22. & 3. 17. jap. 1. 23.

8 Komin kejbärok kom bwe ejelok juön en rakimi kom kin katak in meletlet eo an ak kin an mon bata, ekar ñön bwebwenato mokta an armij rōn, im ñön irinekatak ko an löl, im jab ñön Kraist:

Jer. 29. 8. Rom 16. 17. Hib. 12. 9. Mat. 15. 2. Gal. 1. 14.

262

9 Bwe ilo E im wäwen enbwin, rej jokwe men otemjej an Anij wöt,

Jon 1. 14. jap. 1. 19.

10 Im komij wäppen ilo E, eo ej böran iroj otemjej im kajur ko otemjej:

Jon 1. 16. Ep. 1. 21. jap. 1. 16.

11 Ilo E emwij mijmij kom otemjej kin mijmij pä ko re jab kōmōne, ilo ami wutik enbwinin kōniek, kin mijmij eo Kraist e ar kōmōne; Dut. 10. 16. Jer. 4. 4. Rom 2. 29. Pil. 3. 3. Ep. 4. 22. jap. 3. 8. 9.

12 Im emwij kalibwin kom iben ilo baptais, im ilo e emwij kejerkak kom iben kin tömak ilo jerbal an Anij, eo E ar kejerkakbiji E jen ro remij.

Rom 6. 4. jap. 3. 1. Ep. 1. 19. Jerb. 2. 24.

13 Im komeo, dri mij kin jera-wiwi ko ami im kin jabmijmij in kōniekemi, E ar kemour kom jimor iben, im E ar julok bwir ko ar otemjej;

Ep. 2. 5.

14 Im E ar jeorilok jeje an kien ko, eo e ar jumae kij im nana ñön kij; im E ar bökklok im drilaik e na ilo drebail eo;

Ep. 2. 15. 16.

15 Im ke emwij An kokkure iroj rōn im kajur ko, E ar kaluijuj ir, im bök anjo ioir ilo men in.

Jen. 3. 15. Sam 68. 18. Isa. 53. 12. Mat. 12. 29. Jon 12. 31. & 16. 11. Ep. 4. 8. Hib. 2. 14.

16 Inem ejelok armij en ekajet kom kin möña ak irak ak kin ran in kwojkwoj, ak kin alifñ ekal, ak kin ran Sabat:

Rom 14. 3. 10. 18. 1 Kor. 8. 8.

17 Men ko anöñin men ko re naj itok, a enbwin eo enbwiniñ Kraist.

Hib. 8. 5. & 10. 1.

18 Ejelok armij en koarofi kom kin an kōnan möke kotäik e im kabuñ ñön enjel rōn, im jokwe ilo men ko e ar loi, im kimjäje wan kin lolätät in kōniekin,

Ezek. 13. 3.

19 Im e jab drebij Böran, jen Eo aolepen enbwin, emwij köke im kadrebijik e kin mokwōj ko im kworök ko, ej edreklok kin edrek eo an Anij.

Ep. 4. 15. 16.

20 Elaŋe kom ar mij ilo Kraist jen irinekatak ko an löl, etke, einwöt mour ilo löl, komij bokake mōnit ko,

Rom 6. 3, 5. Gal. 4. 9.

21 Komin jab kapjeri, jab erjōn, jab uñiri

1 Tim. 4. 3.

22 (Men ko otemjej re naj joko kin jerbal kaki), ko einwöt kien ko im katak ko an armij?

Mat. 15. 9. Tait. 1. 14.

23 Men kein wāwen nieletlet ibeir ilo kabuñ einwöt kōnan ilo etā im kōkkure enbwīn; a ejelok tokjeir ke jumae bokake kōniek.

1 Tim. 4. 8.

### JAPTER 3.

**I**NEM elaŋe emwij kejerkak kom iben Kraist, komin bukot men ko i lōñ, ijo Kraist ej ber ie im jijōt i anbijmaroñōn Anij.

Rom 6. 5. & 8. 34. Ep. 1. 20. & 2. 6.

2 Kōmin kalomōnlokjen kin men ko i lōñ, jab kin men ko ion löl.

3 Bwe kom ar mij, im ami mour e nojōk iben Kraist ilo Anij.

Rom 6. 2. jap. 1. 5. & 2. 20. 2 Kor. 5. 7.

4 Ñe Kraist, ar mour, e naj weaktok, ilo ien eo naj bareinwöt kwalok kom iben ilo aibujuij.

1 Jon 3. 2. 1 Kor. 15. 43. Pil. 3. 21.

5 Inem komin kajeeklok ra ko rami rej ber ion löl; lūñ, etton, ki-joñ, mōm enana, im arōk mweiuk eo kabuñ ñōn ekjōp;

Rom 6. 13. & 8. 13. Gal. 5. 24. Ep. 5. 3, 5. 1 Tes. 4. 5.

6 Bwe kin men kein illu an Anij ej itok ion ro dri kiblla:

Rom 1. 18. Ep. 2. 2. & 5. 6. Jerb. 22. 15.

7 Ilo men ko kom bareinwöt ar etetal juōn ien ke kom ar mour ilo ir.

Rom 6. 19. Ep. 2. 2. Tait. 3. 3.

8 A kiō komin bareinwöt julok men kein otemjej; illu, buru karu, illu aitok, konono nae, im nan ko retton jen loemi:

Ep. 4. 22, 29. & 5. 4. Hib. 12. 1. 1 Pit. 2. 1.

9 Komin jab riōp ñōn dron, bwe kom ar wutik armij eo mokta kab jerbal ko an,

Leval 19. 11. Ep. 4. 22, 24, 25.

10 Im kom ar kōnōk armij ekāl, kōkāl e ñōn jelalokjen im ilo wāwen Eo e ar kōmōnmōne:

Rom 12. 2. Ep. 2. 10.

11 Ijo ejelok dri Grik ak dri Ju, ejelok mijmij ak jabmijmij, ejelok dri pegan ak dri Sitia, ejelok dri kamokoko ak dri anemkwojan: a Kraist ej otemjej, im ilo otemjej.

Rom 10. 12. 1 Kor. 12. 13. Gal. 5. 6. Ep. 1. 23. & 6. 8.

12 Inem, einwöt Anij e ar kålet kom, rokwojarjar im jitenburu, komin kōnōk buruen tiriamo, joij, etā buru, inimōn, jejanunolj;

1 Tes. 1. 4. Gal. 5. 22. Ep. 4. 2, 32. Pil. 2. 1.

13 Im komin meamiwōr ñōn dron, im jeorilok nana jen dron, elaŋe iben jabrewōt iami eor ruōn iben bar juōn; im einwöt Kraist e ar jeorilok ami nana, ein drein bar-einwöt ami kōmōn ñōn dron:

Mark 11. 25.

14 Ak ion men kein otemjej komin kōnōk yokwe, eo ken lukwōj ej kowāppemi.

1 Pit. 4. 8. Jon 13. 34. Rom 13. 8. jap. 2. 2. Ep. 4. 3. & 5. 2.

15 Im ainemōn jen Kraist en iroij ilo buruemi, ñōn eo emwij kir kom ilo juōn enbwīn, im komin kamolol.

Pil. 4. 7. 1 Kor. 7. 15. Ep. 2. 16. jap. 2. 7.

16 Nan in Kraist en ber ilo kom im en lōñ; im ilo meletlet otemjej komin katakin im kowe dron kin sam ko, al ko, im kitoōn Jitōb ko, im kin joij ilo buruemi komin al ñōn Anij.

1 Kor. 14. 26. Ep. 5. 19. jap. 4. 6.

17 Im men ko jabrewōt komij kōmōnmōni, ilo nan ak ilo jerbal, komin kōmōn otemjej ilo etan Iroj Jisōs, im kamolol Anij Jemer kin E.

1 Kor. 10. 31. Ep. 5. 20. jap. 1. 12. & 2. 7. 1 Tes. 5. 18.

18 Kōra rōn, komin kōtāik kom ñōn lōmaro belemi, einwöt ekar ilo Iroj.

Ep. 5. 22. Tait. 2. 5. 1 Pit. 3. 1.

19 Lōma, komin yokwe limaro belemi, im jab jememe ñōn ir.

Ep. 5. 25, 28, 33. 1 Pit. 3. 7.

20 Ajiri, komin kible ñōn ro jememi im ro jinemi ilo men otem-

jej, bwe men in ej kabuñburuen Iroi.

Ep. 5. 24. & 6. 1. Tait. 2. 9.

21 Ro jemeir, komin jab kaillu ro nejimi, bwe ren jab öbwer.

Ep. 6. 4.

22 Ro korljer, komin bokake kin men otemjej karo ro ami ilo kö-niek; jab iman mejeir wöt, einwöt ro rej kabuñburuen armij ro, a kin jime in buruemi im mijök Iroi:

Ep. 6. 5. 1 Tim. 6. 1. Tait. 2. 9. 1 Pit. 2. 18. Pall. 18.

23 Jabrewöt men eo komij kö-möne, komin kömöne kin buru, einwöt ñön Iroi, im jab ñön armij;

Ep. 6. 6, 7.

24 Im kom jela bwe kom naj bök jen Iroi jenekjij in jolit eo: komij korijeran Iroi Kraist.

Ep. 6. 8. 1 Kor. 7. 22.

25 Bwe eo ej kömöñ nana e naj bar bök kin nana eo e ar kömöne: im ejelok kabwiloklok mej.

Ep. 6. 9. 1 Pit. 1. 17. Dut. 10. 17.

#### JAPTER 4.

**K**ARO ro, komin lelok ñön ro korijerami men ko ewäuk im jime, bwe kom jela bwe bareinwöt juön ami Karo i löñ.

Ep. 6. 9.

2 Komin niknik ilo jar, im ekil illoan kin kamolol;

Luk 18. 1. 1 Tes. 5. 17, 18. jap. 2. 7. & 3. 15.

3 Im ilo ien jar, komin bareinwöt jar kin kim, bwe Anij en kebellok ñön kim aur in nan, bwe kimin konono men eo etino an Kraist, kin eo ña ij bareinwöt ilo kworak ko;

Ep. 6. 19, 20. 2 Tes. 3. 1. Mat. 13. 11. 1 Kor. 4. 1. jap. 1. 26. & 2. 2. Pil. 1. 7.

4 Im bwe in kwalok e einwöt emön bwe in konono kake.

5 Komin etetal im meletlet ñön ro ilikin, im kejbärok ien.

1 Tes. 4. 12.

6 Ami konono, en ien otemjej ilo joij, im en emwij kejätok e kin salt, bwe komin jela kijkan emön ami uak armij otemjej.

Ekl. 10. 12. jap. 3. 16. Mark 9. 50. 1 Pit. 3. 15.

7 Men otemjej aö, Tikikös e naj kwalok ñön kom, eo ej jätiö jiten-

buru iba, im dri jermal etiljek im korijer iber ilo Iroi:

Ep. 6. 21.

8 Eo I ar jilkinwoj ñön kom kin men in, bwe komin jela men ko am, im bwe en kainemön buruemi;

Ep. 6. 22.

9 Im ej iwij ibenwij Onesimös, jätiö etiljek im jitenburu, eo juön iami. Re naj kajelalk kom men otemjej kömöni iji.

Pail. 10.

10 Aristarkös, dri prisön iba, ej yokyokwe kom, im Mark, möñren Barnebas (kin eo kom ar bök kien ko; elañe ej iwij ñön kom, komin bök e),

Pail. 24. Jerb. 15. 37. & 19. 29.

11 Im Jisös, ät eo juön Jöstös, irro ian dri mijmij: irjil wöt dri jermal iba ñön aillif in Anij, im r'ar kainemöne lö.

12 Epapras, juön iami, dri korijeran Kraist Jisös, ej yokyokwe kom, im ien otemjej elap an kate e kin kom ilo jar ko an, bwe komin jutök wänik im wäppen ilo ankil otemjej an Anij.

jap. 1. 7. Pall. 23. Rom 15. 30. Hib. 5. 14.

13 Bwe ij kennan kin e, bwe elap an jermal ñön kom im ñön ro i Leodisia, im ñön ro i Haierapolis.

14 Luk, dru uno e jitenburu, im Dimas, rej yokyokwe kom.

2 Tim. 4. 10, 11. Pall. 24.

15 Komin yokyokwe jimjäu jim-jäten ro i Leodisia, im Nimpas, im eklisia eo illoan mwéo imweir.

Rom 16. 5. 1 Kor. 16. 19.

16 Im ñe emwij ami konono ilo letter in, komin kömöñ bwe konono kake ilo eklisia an ro dri Leodisia; im bwe komin bareinwöt konono ilo letter eo jen Leodisia.

1 Tes. 5. 27.

17 Im komin ba ñön Arkippös, Kwon lale jermal eo kw'ar bök ilo Iroi, bwe kwon kajejit e.

Pail. 2. 1 Tim. 4. 6.

18 Yokyokwe jen ña Paul kin iltan peiö. Komin kememej kworak ko aö. Joij en ber ibemi.

1 Kor. 16. 21. Hib. 13. 3.